

**KI EFECTO E WELGA DI
WAFNAN NA MERCA LO
POR TIN PA ARUBA?**



WWW.SOLODIPUEBLO.COM



SOLODIPUEBLO@GMAIL.COM

**INSTALACION DI
100 LUZ ADICIONAL
Y BARINAN NOBO
DEN CUADRO DI
REVITALISACION
DI ORANJESTAD A
CUMINSA**



**ATRACO TEAM CU
DOS DETENCION**



**DURANTE UN CONTROL DI
TRAFICO POLIS A PARA Y
DETENE UN CHAUFFEUR
CU TABATA TIN DROGA DEN
SU AUTO Y A CONFISCA E
VEHICULO**



**ENDY CROES
PREPARANDO
PA ELECCION
ELECTORAL A BISHITA
E HABITANTENAN DI
PARADERA Y NOORD**



PETICION URGENTE: TUR PERSONA DI NACIONALIDAD HULANDES OF RESIDENCIA NA ARUBA PA BANDONA LIBANON

E situacion di siguridad na Libanon ta bira mas insegur cada dia. Gobierno di Reino Hulandes a bin ta studia e situacion na e paisnan Libanon y Israel di cerca y a comunica e consehonan di biahe via www.nederlandwereldwijd.nl. Na mes momento ta mira cu ta birando mas y mas dificil pa ciudadanonan Hulandes sali for di Libanon.

Gobierno Hulandes lo yuda activamente pa ciudadanonan cu nacionalidad Hulandes of di otro nacionalidad pero cu tin residencia legal na Hulanda of Caribe Hulandes, entro otro Aruba, pa sali for di Libanon cu vuelonan militar of vuelonan comercial. Den e proximo dianan Hulanda lo percura pa transporte aereo militar. Adicionalmente, lo sigui haci esfuersonan pa asisti cu salidanan via aerolineanan comercial. Ministerio di Relacionnan Exterior di Reino Hulandes ta den contacto cu otro paisnan cu ta organisa vuelonan pa asina por repatria mas ciudadanonan Hulandes of residentenan legal di Reino lo mas pronto posibel.

Bo mester di asistencia pa sali for di Libanon? Gobierno Hulandes por asisti cu un salida sigur for di Libanon. Yena e Formulario di Contacto di Crisis: <https://nederlandwereldwijd.custhelp.com/app/registration-nl>. Lesa via e siguiente link pa sa kico ta e condicionnan pa bin na remarke pa asistencia pa bandona Libanon: <https://www.nederlandwereldwijd.nl/crisis/formulier>

Importante pa sa Actualmente tin vuelonan militar den preparacion pa sali for di Libanon (direccion Eindhoven) riba diabierna 4 di october y diasabra 5 di october 2024. Pa bin na remarke pa asistencia pa bandona Libanon ta sumamente importante pa yena e formulario di Contacto di Crisis: <https://nederlandwereldwijd.custhelp.com/app/registration-nl>

Tene cuenta cu dificilmente gobierno Hulandes lo por bolbe ofrece e asistencia despues, si

bo persona no por of no ta desea di bandona Libanon na e momentonan aki. E persona cu ricibi e asistencia pa bandona Libanon lo mester regla e resto di e biahe pa e por yega cas si esaki ta necesario.

Bo ta kedando na Libanon?

Den caso cu dicidi di permanece na Libanon ta necesario pa por tin suficiente cuminda, cos di bebe, medicamento y posiblemente combustibel.

Den caso di necesidad of emergencia

Por tuma contacto cu embahada hulandes na Beirut 24 ora pa dia, 7 dia pa siman via e centro di contacto di Wereldwijd Nederland via e number di telefon: +31 247 247 247 of via WhatsApp: +31 6 82 38 77 96.

Pa mas informacion tocante kico por haci den un situacion di crisis por bishita e siguiente link: <https://www.netherlandsworldwide.nl/crisis/what-to-do-crisis>

MUSICO IVAN QUANDUS CU E WEBSITE: WWW.ARUBAMUSICIAN.COM PA: ADDONSITO CROES



Siman cu a pasa, den sala di UNOCA, musico Ivan Quandus, a lansa oficialmente e website cu ta brinda un plataforma unico na mas cu 250

musico Arubano. Cu e plataforma aki tur hende, na Aruba y rond mundo, cu ta desea di tin contacto cu un artista musico Arubano, por facilmente haci esaki bishitando e website [www.](http://www.arubamusician.com)

[arubamusician.com](http://www.arubamusician.com). Aki di cada musico cu a registra, e bishitante, por haya un biografia cortico dje artista acompaña su e number y email di contacto. Manera Ivan Quandus a menciona, claramente, cu e ta un oportunidad pa promove e artista musical di Aruba y no pa su persona gana placa cu esaki. E unico cu ta sali gana cu e plataforma aki, t'e artista di Aruba. E categorianan cu publico por topa y bishita ta: News of the week, New music, For Sale, Entrevista y mas. E artista di Aruba por uza



e plataforma pa bende su producto cu mundo tambe. Corda tambe cu e artista ta parti den e categoria di su musica presenta: instrumental, ranchera, tipico, bailabel y mas. Ta invita un y tur pa bishita e website [www.](http://www.arubamusician.com)

[arubamusician.com](http://www.arubamusician.com) y comparti esaki cu cada artista musical di Aruba. A gradici UNOCA masha hopi y tambe sra. Maria Silva pa e sosten incondicional. Poco poco lo bay sigui amplia e website aki mas.

A.T.A. A RECONOCE TRES PERSONA EXCEPCIONAL DEN MUNDO DI TURISMO

‘A trabes di campaña “Nominate Your Local Vacation Hero” durante conferencia di World Tourism Day 2024’



Durante conferencia di World Tourism Day, Aruba Tourism Authority (A.T.A.) a reconoce tres persona excepcional cu ta contribuï grandemente na e industria di turismo di Aruba. Como parti di e celebracion aki, a lansa e campaña di "Nominate

Your Local Vacation Hero’, unda cu a invita e huespednan di Aruba pa nomina un local cu haci nan encuentro inolvidabel a trabes di bondad, hospitalidad, y a trabes di intercambio di cultura vibrante di e isla. E heroenan excepcional a crea momentonan special cu ta sigui resona cu e huespednan despues cu nan vacacion a termina.

Den un periodo di 2 siman por a conta cu 102 nominacion di diferente huesped. Entre e grupo di huesped aki, a percura pa cumpli cu diferente entrevista pa asina nan por conta nan storia y experiencia a trabes di un video. Na final, e premiacion a keda den nomber di Terrence Huntington - Bartender cu a wordo nomina pa

Kristina Vetter pa su servicio excepcional y su spirito amistoso. Sigui pa Erwin Williams - Bellman cu a wordo nomina pa Robert Donkers pa su amabilidad y como un persona servicial, y por ultimo Garvin Ras - Bellman cu a wordo nomina pa Sally Parker pa segura un experiencia inolvidabel. Un premio cu nan no a spera, pero cu sigur a wordo masha aprecia.

Cu e campaña nobo aki, A.T.A. a honra nos hendenan sobresaliente cu ta haci nos isla sinti manera un cas pa tur hende. Nan contribucion ta refleha e esencia di loke ta hasi nos hogar realmente special. Pabien y Danki!



ARUBA BANK TA UNI FORSA CU "RIDE FOR THE ROSES" DEN LUCHA CONTRA CANCER

Oranjestad, Aruba – 2 di oktober 2024 –Aruba Bank ta orguyoso di anuncia un compromiso di tres aña como e patrocinador bancario di e evento "Ride for the Roses," organisa pa One Happy Bike Island Foundation (OHBI) pa sostiene Koningin Wilhelmina Fonds (KWF). E conferencia di prensa pa anuncia e alianza aki a tuma lugar awe mainta na Aruba Bank.

E evento "Ride for the Roses," programa pa tuma lugar dia 3 di November 2024, ta enfoca pa crece e conscientisacion, recauda fondo pa combati Cancer y pa duna sosten vital na pashentnan y nan famianan na Aruba. E evento lo conta cu diferente actividadnan di deporte, manera caminata,

coremento, ciclismo, y natacion, y lo tuma lugar dilanti Amsterdam manor na Eagle Beach. Aruba Bank su compromiso financiero y alianza strategico lo contribui pa yuda e pashentnan di Cancer via KWF directamente.

“Nos ta honra pa colabora cu One Happy Bike Island Foundation pa sostiene e ‘Ride for the Roses,’ di Koningin Wilhelmina Fonds, segun Tamara Waldron, Regional Marketing and Branding Manager, a bisa. “E compromiso aki ta alinea cu nos balornan y nos dedicacion pa sostiene iniciativa di salud riba nos isla. Nos compromiso ta pa haci un impacto positivo den nos comunidad, y atravez di e alianza aki, nos ta spera pa trece conscientisacion y apoyo pa esnan



cu ta sufri di Cancer na Aruba y nan famia.”

Representando e fundacionnan organisador na e conferencia di prensa tabata Jurgen van Schaijk-Amsterdam Manor, Hilde Rodriguez-Taekema y Paul Cremers-Tri-Bike Aruba, cu ta instrumental den e iniciativa importante aki.

Atravez di e partnership aki, Aruba Bank ta aspira no solamente pa yuda den e lucha contra Cancer, pero tambe pa amplia su rol como un organizacion cu ta asumi responsabilidad social. Aruba Bank ta hopi contento pa participa activamente den e evento di "Ride for the Roses" y pa traha hunto cu KWF y OHBI pa logra un impacto positivo y duradero riba e bida di esnan na Aruba.

Partido MEP: ERWIN WINO LOPEZ

Candidato nobo cu lo representa pueblo di San Nicolas



Dialuna ultimo, partido Movimiento Electoral di Pueblo (MEP), a lansa un candidato nobo cu lo representa partido den eleccion 2024, dia 6 di december proximo. Lider di partido Evelyn Wever-Croes a indica cu dia 18 di october, cu ta e dia pa entrega e lista final, MEP lo presenta un lista di 29 candidato cu ta capacita y prepara pa guia nos dushi isla.

Riba e anochi special aki,

den compania di su famia y fiel votadornan, partido MEP tabata tin e honor di publicamente presenta señor Erwin Wino Lopez como candidato nobo riba e lista di MEP. Lider di partido a indica di ta sumamente contento cu Wino a acepta di subi lista mirando su experiencia amplio, amor y pasion pa loke ta enseñansa y Aruba en general.

Wino, maestro di scol, na su turno cu hopi emocion

a expresa cu su deseo semper tabata pa subi lista di partido MEP. El a gradici Lider di partido pa acept'e den e famia di MEP, y a priminti di haci tur loke ta na su alcance pa logra mas voto posibel den e siguiente eleccion.

Partido MEP ta duna Wino un cordial bon bini na e famia grandi aki, y ta sigur cu el duna un contribucion grandi pa hiba partido y Aruba padilanti. Wino ta un candidato nobo cu lo

representa San Nicolas maestro, el a yuda forma especialmente na unda a hopi ciudadano di nos pais. traves di su trabou como



KI EFECTO E WELGA DI WAFNAN NA MERCA LO POR TIN PA ARUBA?

Como gremio commercial ta sumamente importante pa keda na altura di situacionan internacional cu por tin un efecto riba nos mercado local. Un situacion asina ta pasando den mundo di logistica actualmente na Merca door di un welga riba wafnan na costa oost y e asina yama “Gulf Coast”, cu ta afecta e sector di exportacion/importacion, transporte maritimo y maneho di suministro di mercancia (“supply chain management”). E articulo aki ta pa informa kico esaki por significa pa Aruba su economia local.

Causa

E causa pa cu e welga nan aki ta un impasse den negociacion entre e sindicato International Longshoremen Association (ILA) y dunador di trabou U.S. Maritime Alliance (USMX). ILA ta conta cu aproximadamente 45,000 miembro den region oost y na e “Gulf Coast”, cu ta representa 40% di empleadonan di USMX cu ta maneha y opera e wafnan afecta. Tin dos punto primordial trancando e negociacion:

1. ILA kier un subida di salario di 70% gradualmente den e proximo 6 aña. USMX a ofrece un aumento di 50%, cu a wordo rechasa pa ILA.
2. Limita automatizacion di operacionnan riba e wafnan, paso hopi waf mundialmente ta optando pa husa mas robot y vehiculo autonamo pa hasi trabou di carga y baha container di barconan.

Efecto na Merca

Un estudio di Oxford University ta aproxima cu e welga aki lo por costa economia di Merca alrededor di 1 biyon dollar pa dia, afectando tur sector. E welga ta afectando tambe e sistema di transportacion via trein, den tur region, pero especialmente transporte pa costa oeste di Merca. Pero e costa oeste

di Merca tampoco por acomoda e demanda pa cambianan di ruta, paso e wafnan ta yen caba te cu november.

Pa por sigui ofrece servicio hopi compania di carga a cuminsa husa rutan alternativa pa por garantiza servicio pa nan clientenan, pero ruta alternativa kiermen cu lo tin costo adicional paso e ruta no lo ta e ruta di mas eficiente of mas cortico. Pues aki por papia di un subida di costo di flete y tambe transportacion cu lo dura mas tempo pa yega su destino.

Tambe por a tuma nota cu e wafnan mes lo cobra un tarifa extra pa e interuption aki cu lo ta \$1,500 pa un container di 20 pia, \$3,000 pa 40 pia y \$3,780 pa 45 pia. Si no tin solucion, e cobranza nan aki por cuminsa ya for di 11 di october proximo, y lo wordo husa pa cubri gastonan operacional cu ta bin extra pa asina por segura un disrupcion minimo di e fluho di mercancia pa clientenan.

Efecto Local

E efecto pa Aruba ta wordo premira ainda cu lo ta minimo, si yega na un solucion pronto. Si no yega na un solucion, ATIA y su experto nan ta premira cu prijsnan lo subi paso e prijs di flete di e container ta subi. Y aki na Aruba nos ta paga impuesto di importacion riba e costo di producto, seguro, y flete, e asina yama “CIF-waarde” cu ta wordo husa pa calcula e “Douane waarde”. Pues ta sumamente importante pa tur comerciante keda vigila e situacion, pa por planea adecuadamente, ya cu nos ta drentando temporada di mas druk di aña. Director di ATIA a tuma contacto cu algun miembro cu a segura cu nan a tuma nota di e situacion aki, ya for di algun tempo caba, y a tuma pasonan



pa tin inventario adecua pa e temporada aki. ATIA a wordo informa cu tin un pare temporal riba reservacionnan di “reefers” (container friw) na full e coast oost di Merca. Esaki lo por trece un consecuencia cune, si e welgan continua, cu lo por tin chance di un escases di productonan fresco, manera fruta y berdura paso esakinan ta bin fresco seminal den “reefers”.

Pueblo mester tene na cuenta cu prijsnan lo no solamente subi si e welga prolonga, pero tambe hasta si yega na un acuerdo. Operador di e wafnan mester por paga nan trahadornan y e unico manera pa por hasi esaki lo ta pa subi tarifanan especialmente si inversion di automatizacion no ta posibel. Y manera nos ta conciente di dje, esaki lo wordo reflecciona den nos prijsnan local tambe, paso mayoria producto ta wordo importa.

Aki ta unda Gobierno di Aruba (GOA) por yuda pa segura cu poder di compra di pueblo no bai mas atras. E suplica di ATIA ta pa GOA reevalua y modernisa nos leynan di importacion. Na 2021 caba ATIA y otro gremio commercial a manda carta pa Minister di Finanzas y Cultura cu e peticion pa cambia, via di un “Ministeriele Beschikking” e manera pa calcula impuesto di

importacion di CIF-waarde pa Free on Board (FOB) Shipping. E diferencia entre CIF y FOB ta cu den FOB costonan di seguro y flete no ta wordo inclui, pues bahando e suma cu ta wordo usa pa calcula e impuesto di importacion yudando asina pueblo, comercio y stimula economia cu lo yuda caha di GOA tambe, un win-win-win.

ATIA como gremio comercial lo keda vigila e situacion internacional y local pa asina informa debidamente su miembronan y comunidad en general.

###

ATIA

Aruba Trade and Industry Association (ATIA) a wordo funda na aña 1945 y ta e organizacion principal cu ta representa empresanan, empresarionan y comercio na Aruba.

E meta di ATIA ta pa defende, promove y proteha e interesnan di su miembronan y comercio di Aruba en general.

Pa mas informacion por bishita www.atiaruba.org, y nos rednan social www.facebook.com/arubatrade, www.instagram.com/atiaruba, y <https://www.linkedin.com/company/aruba-trade-and-industry-association>

MINISTER ARENDS: A SCOHE PA DUNA ARUBUS N.V. UN OPORTUNIDAD Y SPERANSA

E malesa di patronahe politico ta un desafio cronico y dificil pa sana. Minister Arends a tuma nota di relato extenso den un medio di comunicacion, tocante e nombracion y retiro di ex-director di Arubus N.V. Aunke no por divulga asuntonan personal ta hopi importante si pa Pueblo tin informacionnan claro di kico ta pasa cu fondonan di e pagado di belasting, sodor di Pueblo trahador.

Ministerio di Transporte den caso di retiro di ex-director di Arubus N.V.

ta simplemente actua conforme un acuerdo cu tabata legalmente estableci door di e Minister di Transporte anterior (di MEP). Minister Arends mester a haci un evaluacion y haci un decision entre cumpli cu e contrato valido, of laga Arubus N.V. y su trahadonan bai den bancarota, sin speranza di recuperacion. A eligi e prome opcion, dunando asina un chens pa Arubus N.V. tin speranza pa por ehecuta planes concreto pa mehora su situacion financiero.



Ministerio di Integridad a bin ta traha riba e Ordenanza Corporate Governance desde 2021. E concepto a pasa su rondanan interino di participacion y awo ta den su fase final na DWJZ pa por sigui pa Raad van Advies. E ley aki ta di suma importancia pa por

garantisa sistemanan mas integro y confiabel y evita tipo di casonan aki den futuro. Artículo 9 y 10 di e (concepto) di ley ta regla nombracionan di miembronan y commissarionan y e profielschets. Pa mas informacion tocante e Ley por bishita www.publico.

aw
“Arubus N.V. ta hopi mas cu un victima di patronahe politico. E ta un compania cu tin tur potencial pa prospera y contribui di manera significante na movilidad, transporte y bienestar den nos Pais,” Minister Arends ta reacciona.

Cuerpo Policial Ta Informa--

ATRACO TEAM CU DOS DETENCION



Diamars den oranan di madrugada a haci un entrada hudicial y a haci detencion di dos sospechoso. A haci e entrada hudicial hunto cu Team di Aresto na

un cas na Tanki Leendert. Na e cas encuestacion a detene dos sospechoso. Ta traha di e homber di inicialnan J.H. naci na Aruba di 19 aña y J.H. naci

na Aruba di 28 aña.

Un ta deteni enconexion cu un atraco riba dos turista den e area di hotel y e otro sospechoso a keda deteni enconexion cu un atraco na altura di Mama Snack na Carnival Village. Den tur dos atraco a uza arma di candela.

Atraco Team ta traha incansabelmente pa soluciona e casonan y pone man riba e sospechosonan.

Un biaha mas Cuerpo Policial ta haci un apelacion na cada un ciudadano cu sa algo of a mira algo, pa yama e tiplijn di polis cu ta 11141. Bo anonimidad ta keda garantisa.



Lider di partido: Evelyn Wever-Croes

Den un sala completamente yen

“BAN TOPA” CU EVELYN Y XIOMARA NA

PIEDRA PLATA TABATA EXITOSO



- Diamars anochi, a tuma luga un biaha mas e evento organisa pa Partido Movimiento Electoral di Pueblo MEP, "Ban Topa". Den un sala completamente yen na Centro di Barrio Piedra Plat, Lider di partido

Evelyn Wever-Croes y Xiomara Maduro a duna presentacionnan hopi detaya y importante, na unda a ilustra e trabounan principal cu nan a bin ta desplegando durante gobernacion di Gabinete Wever-Croes.

E anochi aki, mescos cu tur otro evento di "Ban Topa", tabata uno exitoso. Esnan presente a haci varios pregunta y sugerencia, pero alabes a duna aplauso na tur e logronan, apesar di tur reto, di e gobierno actual. Partido Movimiento Electoral di Pueblo MEP ta gradici e bario di Piedra Plat specialmente pero tambe di tur otro bario na Aruba, pa nan participacion y ta spera di por conta cu nan sosten pa cu e siguiente eleccion dia 6 di december proximo.

Lider di MEP ta haci invitacion pa keda



pendiente pa e siguiente "Ban Topa" cu lo wordo anuncia pronto. E meta di "Ban Topa" ta pa candidatonan riba lista, reuni cu habitante di e bario cu nan ta representa,

pa asina comparti informacionnan valioso cu e habitantenan como tambe scucha di pueblo kico ta e opinionnan y preocupacionnan.

Minister Geoffrey Wever: INSTALACION DI 100 LUZ ADICIONAL Y BARINAN NOBO DEN CUADRO DI REVITALISACION DI ORANJESTAD A CUMINSA



Despues cu den luna di juni a cuminsa cu limpieza di caya grandi, ta sigui cu instalacion di barinan di sushi y instalacion di 100 luz adicional y asina contribui positivamente na e seguridad y limpieza den nos centro di ciudad, segun Minister Geoffrey Wever. Un inversion di

mas cu 270 mil Florin adicional den nos centro di ciudad, e luznan ta esteticamente "clasico" y bunita pa mantene e zjeito di e area, y ta provee mas iluminacion compara cu e modelonan anterior. Tur inversionan adicional pa nos centro di ciudad ta parti di un strategia holistico pa revitalisa Oranjestad y hasi nos capital mas comercialmente atractivo.

Esfuersonan di revitalisacion no ta limita solamente na Caya Betico Croes. Wilhelminastraat y Columbusstraat y cercania a haya debido atencion mirando cu aunke Oranjestad pa añanan no tabata den su miho

momento, e area aki a sa di crece organicamente den un "cluster culinario". E area lo mester bira un centro di actividad comercial y recreativo, atrayendo tanto residente como turista. E siman aki a cuminsa cu fase 3 cu renovacion den e area di parkeo na Caya E. Harms y Irenestraat pa asina sigui aporta na e crecimiento y desaroyo positivo di e area. Na Columbusstraat, a instala mas iluminacion, amplia e espacio pa peaton y publico, mas parkeo, y a zorg pa planta mata asina crea un ambiente mas agradabel. Revitalisacion di Oranjestad ta inclui tambe e restauracion di edificionan historico,



preservando e herencia cultural di nos isla mientras ta propaga un desaroyo "urbano" sostenibel, elevando e prospecto comercial di e area y contribui na un ambiente mas agradabel pa local y turista por bishita.

Minister Geoffrey Wever,



ta enfatisa cu e obhetivo principal ta pa crea un ambiente sigur, atractivo y dinamico pa comunidad y bishitantenan, mientras ta segura cu e crecimiento y desaroyo ta sostenibel y na beneficio di e futuro di nos isla.

DURANTE UN CONTROL DI TRAFICO POLIS A PARA Y DETENE UN CHAUFFEUR CU TABATA TIN DROGA DEN SU AUTO Y A CONFISCA E VEHICULO



Dialuna anochi durante un control di trafico na Hooiberg, polis a logra para un chauffeur cu

tabata tin droga den su auto. Mesora polis a detene y a confisca e auto pa mas investigacion.



ENDY CROES PREPARANDO PA ELECCION ELECTORAL A BISHITA E HABITANTENAN DI PARADERA Y NOORD

Brindando informacion di tur trabou realisa durante 3 aña y scuchando pueblo



Diasabra ultimo, campaña 2024 a start oficialmente cu e entrada masal den distrito di Paradera y Piedra Plat. Den ora tempran di mainta Endy a cana cas pa cas, di porta pa porta, comparti e vision y e logronan di partido MEP den gobernacion. Tambe, a scucha e preocupacionnan di e pueblo y a contesta tur pregunta y/of inquietud.



Alabes, a comparti e trabounan cu el a realisa durante tres (3) aña den e tereno di enseñansa y deporte.

Den ora di atardi, Endy a continua cu e bishita e biaha aki den e barrio di Noord. Aunke MEP a logra hopi, e trabou no a caba. Aruba mester sigui riba e caminda di progreso y crecimiento.



Un voto pa MEP no ta solamente un voto pa MEP.

Un voto pa MEP ta un voto pa Aruba sigui progresa, pa e estabilidad financiero y crecimiento economico continua, pa desempleo y inflacion sigui baha.




Un voto pa MEP ta un voto pa un miho Aruba.

Por ultimo, Endy Croes ta gradici e Pueblo di Aruba pa e caluroso recepcion y ta conta cu nan sosten dia 6 di december proximo! Un amigo pa semper.



mr. Gerlien Croes di partido Futuro

UN RELACION MAS EFECTIVO CU REINO HULANDES TIN BENIFICIO PA TUR CIUDADANO



Organisacion Futuro tin su plan hinca den otro caba di con pa atende diferente asunto cu di suma importancia pa e bienestar di nos isla. Un di nan sigur ta un relacion mas cooperativo y estructura den Reino Hulandes.

Organisacion Futuro hunto cu mr. Gerlien Croes ta

biniendo cu puntonan di enfoke cu ta cla pa yega ehecuto una bes cu asumi e responsabilidad di dirigi nos pais pa e proximo cuater aña.

Ta bon pa recorda cu e tereño di Relacion den Reino no ta desconoci pa Croes. Hustamente tabata na Oficina di Relacionnan di Reino cu

el a labora despues di a regresa cu su diploma di Hulanda y caminda el a obtene un gran experiencia den con pa atende y negocia cu politico y funcionarionan Europeo.

"Pandemia a trece un dimension nobo cu reino, pero tambe oportunidad nobo di colaboracion. Pais

Aruba mester di un liderazgo cu ta compronde e importancia di cooperacion y con pa haci uzo di e realidad nobo aki pa alcanza e obhetivonan cu ta hiba na un futuro mas sostenibel pa nos isla," Croes a expresa.

E vision di Futuro ta pa aumenta e confiansa entre e partnernan di Reino pa medio di colaboracion. Exito di un maneho mas estructura y disciplina di pais Aruba tin oportunidadnan clave cu ta na beneficio di tur. P'esey ta kere firmemente cu mester priorisa e elementonan di bon gobernacion, transparencia y un finanzas publico mas saludabel cu por conduci na mas cooperacion y asistencia entre partnernan di Reino.

Nos lo introduci programa di intercambio cu partnernan den Reino pa conoce, adopta y comparti e miho practicanan, un miho comprendemento di nos capacidad di desaroyo y ehecucion di proyecto di 'twinning'. Hunto cu esey lo busca acuerdo di colab-

oracion bilateral y trilateral den area di comercio, salud, husticia (migracion), educacion, y transicion energetico tanto den sector publico como priva.

Futuro ta kere den mas promocion di relacion y colaboracion, no solamente cu e gemeentenan di Hulanda, pero tambe cu e instancianan coordinador Hulandes cu por yuda na desaroya un miho relacion institucional entre Aruba y Union Europeo. "Tin un gran potencial di beneficio pa nos isla, financiero y di asistencia tecnico, si nos ta cera cabes hunto. Esey ta e pensamiento di organisacion Futuro", Croes a indica.

Pronto e topico aki hunto cu tur otro cu ta forma parti di e plan di accion integral di Futuro lo ta obtenibel online riba www.futuro.aw pa un y tur lesa. Mientras tanto sigui Futuro riba e plataformanan di Facebook y Instagram pa mas informacion, update di e candidatonan nobo y mas.

POLIS A CONTROLA AUTO SOSPECHOSO CORIENDO ROND DI WARDIA DI POLIS ORANJESTAD



Diamars madrugada polisnan atento banda di warda di polis Oranjestada a mira un auto sospechoso coriendo rond den cercania, mesora a par'e y

control'e.

Den e auto a haya 3 persona sospechoso y a tuma nan identidad despues di a duna nan un boet nan por a sigui nan caminda.

Clasificados

SOLODIPUEBLO@GMAIL.COM
CEL. 585 9500

DESPUES DI A BISHITA CLUB NOCTURNO NA PALM BEACH CICLISTA BAYENDO TANKI LEENDERT A DAL ABAO CU BAIS DILANTI MISA DI NOORD



Diamars madruga a drenta informe di cu tin un hende cu a cay cu bais dilanti Misa di Noord y ta herida, meso-

ra a dirigi tanto polis como ambulans na e sitio. Na yegada di e patruya a bin compronde cu un persona a

bay bebe na un nightclub na Palm Beach y ora di bay su cas ela subi un bicicleta y dilanti e Misa

di Noord ela cay herida su mes. Na yegada di e ambulans nan a atende e victima y

a transporte pa hospital. Polis a hiba su bicicleta na warda di polis na Shaba na disposicion di e doño.

Presidente di SER Sint Maarten ta hasi bishita di kortesia na SER Kòrsou

Willemstad, 2 òktober 2024 - Willemstad, 2 di òktober 2024 — E presidente nobo di Konseho Sosial Ekonómiko (SER) di Sint Maarten, Señor Harlec Doran, a hasi un bishita di kortesia na su counterpart na Kòrsou djamars dia promé di òktober último. E bishita aki ta marka un momento importante pa e organismo konsultivo di Sint Maarten ku resientemente a reanudá su funshon. Señor Doran a ser risibí pa drs. Raul Henriquez, direktor i sekretario general di SER Kòrsou, ku a representá e presidente den funshon, mr. John Jacobs, ku pa motibu di otro kompromisonan ta den eksterior. E enkuentro aki ta karakter-

isá su mes komo un paso pa restablesé e relashon estrecho entre e dos konsehonan konsultivo, ku ta kolaborá for di tempu di Antia Ulandes.

Pa SER di Sint Maarten, e bishita di Doran ta bini despues di un periodo di 16 luna di inaktivitat dje konseho. Debí na un disputa largu ku representantenan di komersio den e órgano a surgi un retraso den nombramentu di miembronan. SER Sint Maarten, komo órgano klave ku ta duna konseho riba asuntunan sosioekonómiko na su gobièrnu, a reanudá su aktividatnan na prinsipio di e aña akí. Durante e diskushonnan na

Willemstad, partidonan a interkambiá punto di bista riba informenan resién i a eksplorá posibilidat pa un koperashon mas estrecho. Señor Henriquez a enfatisá “E aliansa aki ta esensial pa e dos paisnan karibense”. “Nos ta konfrontá retonan sosial-ekonómiko similar, i p’esei koperashon ta nesesario, pa fortalecé nos ròl konsultivo i sirbi nos komunidatnan mihó.”

Despues di un enkuentro ku SER Aruba na prinsipio di e siman akí, e bishita na Kòrsou a sigui komo parti di un esfuerso mas amplio pa SER Sint Maarten reafirmá su presensia den asuntunan konsultivo den region. E partisipashon di



Doran ta manda un señal firme ku e konseho di Sint Maarten ta kla pa reaktivá

su ròl kompletu despues di un periodo relativamente largu di inaktivitat.

Ta continua cu e tradicion cu partido AVP a cuminsa decadanan atras ACOGIDA GRANDI NA CAS DI PARTIDO AVP PA YUDA YENA FORMULARIO DI IMPUESTO



Loke casi 70 aña pasa defunto Shon A Eman a cuminsa cu ne, awendia ta un tradicion cu orguyosamente Partido di Pueblo Arubano ta continua cu ne. Asistencia pa cu yenamento di formulario di impuesto ta un servicio cu e partido

ta brinda na comunidad, sea ta den aña di eleccion of no.

Recientemente tabatin un di e anochinan aki caminda un cantidad di persona a haci uzo di e oportunidad pa haya ayudo for di candidato y otro miembro di

AVP cu ta pone nan conocimiento na disposicion den e sentido di aporte comunitario cu e partido semper ta wanta na halto.

Nieto di Shon A y lider di partido, Mike Eman, ta recorda con e iniciativa aki a nace for di tempo cu re-

fineria di Lago a cera y e extrahadonan mester a paga un tarifa halto di impuesto riba e suma cu nan a haya pa nan retiro. Shon A a pleita esaki cu Belastingdienst pa parti e placa den e cantidad di luna cu a traha y no riba e suma total pa asina no pone riba un schaal hopi halto.

“E cos aki ta angra den nos partido, esta di kier sirbi nos hendenan, duna nan e informacion cu nan mester, pero tambe e asistencia directo pa yena e papelnan y pa nan por haci uzo di tur e deduccionnan cu nan tin derecho riba dje y pa loke ta declara ta corecto,” asina Mike Eman a splica. Awe ainda partido AVP ta sigui duna Pueblo di asistencia aki.

Riba e siguiente anochinan lo sigui duna e servicio gratis di yuda yena e papelnan di belasting:

- Diahuebs 3, 10 y 31 di October na Cas di Partido na Playa, di 7’or pa 9’or

- Diahuebs 24 di October na YMCA na San Nicolas, di 7’or pa 9’or

Tin algun luna caba ta ofreciendo esaki y a pasa caba e 300 persona cu a yuda yena su papelnan. Ta kere cu den e proximo simannan, lo yega entre 500 pa 600 persona cu ta wordo sirbi cu hopi amor.

Pa AVP ta importante pa tur hende sa cu no ta importa ki color politico cu e persona ta sostene, semper e ta bon bini na Cas di Partido pa ricibi e asistencia aki.

Invitacion:

Diasabra 5 di october 2024 pa 7 or di mainta tin Santa Misa na Kapel di Alto Vista. Pa 6.15 ta resa Santo Rosario. LUNA DI OCTOBER TA LUNA DI RESA SANTA ROSARIO

Na San Nicolas, ta cuminsa resa Santo Rosario pa 6.15 mainta den Cas Curason di Maria of Blue Army Center. Despues Santo Sacrificio di Misa ta 7 or

.Ta invita henter e pueblo, deboto y fielnan pa asisti, na e Santa Rosario prome cu Santo Misa. Mama Maria ta enterece pa nos, na nos Tata Celestial. Laga nos gradici Dios pa e awacero cu nos a haya den su bondad.

Nos ta conmemora Santa Faustina Kowalska, Apóstol de la Divina Misericordia

naci na Polonia den aña 1905, tawata un religiosa mística católica conoci pa su aparicion di Hesu-Cristo. Su vida y revelacionnan a inspira un devoción ferviente na Divina

Misericordia den Iglesia Católica. Segun su revelacion, Jesús a transmiti enseñansa importante riba amor y misericordia divina. E devoción ta basa riba creencia cu Dios ta infinitamente misericordioso y ta dispuesto pa perdona tur pecador, cu ta acudi na Dj’É cu confianza y arrepentimiento sincero. Un di su pilar fundamental di la bida spiritual di Santa Faustina ta su famoso Diario. Den su Diario, cu e mes a scribe entre 1934 y 1938, ta su testimonio íntimo cu Hesus y su misión cu e Divina Misericordia. 1993, Papa Juan Pablo II a proclama oficialmente santidad di Santa Faustina y a declare santa.

Papa Francisco ta haci un suplica na mundo pa

resa e Santo Rosario, nos ta den un tempo di crisis grandi. Aki na Aruba ya nos ta sinti e Cambio di Clima.. E cayente di e solo ta afecta nos tur dia.

Ban haci un curashi diasabra mainta trempa pa ofrece nos ora y asisti na Santa Misa y resa pa tur esnan cu ta leu di iglesia. Laga nos resa pa necesidad di Iglesia Universal, pa Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios.

Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Cu pronto lo regresa na Aruba y gosa di un bon salud.

ENCUESTA NACIONAL TRAFICO SIGUR

BO CONTRIBUCION POR YUDA HACI TRAFICO MAS SIGUR

TUR CU PARTICIPA POR GANA PREMIO ATRACTIVO

- 1 1 AÑA SEGURO DI AUTO
- 2 1 AÑA NUMBER DI AUTO
- 3 BON DI GASOLINE\ DIESEL NA BALOR DI AWG. 250,-

SCAN E QR CODE PA PARTICIPA

Minister Geoffrey Wever a reuni cu International Monetary Fund

Riba 1 di october Minister Geoffrey Wever a reuni cu un delegacion di International Monetary Fund ("IMF") den cuadro di preparacion pa e proximo Article IV Consultation cu ta programa den 2025.

Durante un reunion ameno minister Geoffrey Wever y IMF a elabora riba e maneho y vision cu Ministerio di Asuntonan Economico, Comunicacion y Desaroyo Sostenibel ta bin ta implementando riba entre otro tereno di competencia husto, diversifica Aruba su economia y proyectonan di energia renobabel.

Cu un enfoke riba implementa, minister Geoffrey Wever a duna IMF un resumen di su maneho y proyectonan den ehecucion. Pa combati economia informal sector publico y priva ta trahando hunto riba e implementacion di e plan "National Program for Formalizing the Shadow Economy in Aruba" pa garantiza un "fair-level playing field" den tur mercado. Den cuadro di competencia husto, tambe a elabora riba proceso pa lanta e Aruba Fair Trade Authority cu desde januari 2024 ta operacionalmente independiente di gobierno.

Pa crea mas sectornan economico ta pusha e desaroyo di industria agricola como un pilar di nos economia. Hunto cu Qredits Aruba a crea e "Agri Fund" y "Agri Business Academy". E fondo pa agricola comercial of "Agri Fund" cu un suma total di 3 miyon florin, ta ofrece financiamiento na un interes reduci di 2% pa sumanan entre Afl. 5.000 y Afl. 200.000. E "Agri Business Academy" ta un programa pa (futuro) empresario cu kier cuminsa nan propio negoshi of cu tin nan negoshi caba den e sector agricola y ta desea di haya mas conocimiento y experiencia den e area di 'Business Management'. Pa subi e produccion comercial di webo pa 1.4 miyon den 2026, tin un "Open Call" andando y a instala un wergroep di DEZHI,



Santa Rosa y DIP pa traha y implementa maneho. Parti di e maneho aki ta tambe e asistencia di Hulanda pa e desaroyo di e industria agricola comercial. Adicionalmente e nota di maneho "Development of the Orange Economy in San Nicolas" ta den ehecucion desde 2023 unda lo ofrece entre otro un "Creative Business Academy" pa pusha e industria creativo como otro pilar economico. Tambe minister Geoffrey Wever a elabora riba e potencial y transformacion di FreeZone y e colaboracion cu UN/ ECLAC pa ricibi asistencia pa desaroya e sector "FINTECH".

Desaroyo sostenibel tambe tawata un tema durante e reunion cu IMF. Pa cu esaki Minister Geoffrey a elabora riba e Plan di Accion 2023-2025: Aruba su transicion pa un modelo economico sostenibel y inclusivo cu ta consisti di diferente proyectonan pa stimula e desaroyo sostenibel di Aru-

ba. Recientemente, Minister Geoffrey Wever a entrega e prome 4 auto electrico na DEZHI como parti di e programa piloto pa e transicion completo di e fleta di Gobierno pa autonan electrico. E transicion aki tambe ta bai man den man cu instalacion di "EV-chargers" como parti tambe di revitalisa centro di Oranjestad. Pa baha e consumo di energia, resultado di e scan di edificio di Staten lo sirbi como modelo pa tur edificionan di gobierno y asina contribui pa stimula e "green sector" como sector economico.

"International Monetary Fund ta un organisacion internacional cu ta evalua e desaroyo di nos pais continuamente y ta importante duna informacion concreto riba loka Aruba ta hasi riba tereno economico y desaroyo sostenibel pa fortifica economia y desaroyo di Aruba cu pasonan concreto", segun Minister Geoffrey Wever.

Clasificados

SOLODIPUEBLO@GMAIL.COM
CEL. 585 9500

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 2 OCT 2024 Merdia

CATOLCHI Sorteo # 4406 2926 7184 4050 MULTI-X FP BIG 4 Sorteo # 4406 0156 MULTI-X FP DIFF Sorteo # 2462 0935 ZODIAC Sorteo # 4406 5423 Cancer LUCKY 3 Sorteo # 1280 469 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 150.000,-	LOTTO DIA Sorteo # 0 x Jackpot 0 x Match 4 0 x Afl. 8,00 Proximo Jackpot 105.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 320.000,- Afl. 420.000,-	KORSOU Sorteo #
--	---	---	---	-------------------------------

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 01 Oct 2024 Anochi

CATOLCHI Sorteo # 8361 3183 1216 2757 MULTI-X X2 BIG 4 Sorteo # 7405 5595 MULTI-X Fp DIFF Sorteo # 2110 5919 ZODIAC Sorteo # 6164 9329 Cancer LUCKY 3 Sorteo # 1094 533 MULTI-X x2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 150.000,-	LOTTO DIA Sorteo # 6611 0 x Jackpot 8 x Match 4 225 x Afl. 8,00 Proximo Jackpot 105.000,-	MEGA Sorteo # 1702 0 x Jackpot 0 x match 4 6 x Afl. 500,00 33 x Afl. 50,00 61 x Afl. 15,00 Mega Ball 04 Proximo Jackpot 320.000,- Afl. 420.000,-	KORSOU Sorteo #
--	---	--	---	-------------------------------

E BON NOTICIA

BO TA DEN E UNICO IGLESIA

BERDADERO DI SALBACION DI

CRISTO-HESUS OF BO TA DEN

UN IGLESIA ROBES?

Bijbel Exodo 24: 7 – 8, den e Evangelio aki, Dios Tata a sera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, cu ta e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Pero awor e promesa aki a wordo verifica den Cristo-Hesus, cu ta e Aliansa nobo di Dios Tata cu e pueblo di Israel. Bijbel Mateo 26: 26 – 28: “Mientras nan tabata come, Hesus a tuma e pan, El a gradici Dios. Despues El a tuma e copa di binja, a jama Dios danki pa e copa y a pase pa Su apostelnan, bisando: Boso tur bebe for di dj’e, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Cristo-Hesus ta confirma Su sacrificio y morto na crus, deramando Su Sanger precioso pa e Aliansa Nobo di Dios Tata a cera cu e pueblo nobo di Israel. Bijbel Lucas 1: 32-33: “Senjor Dios lo dun’E e trono di Su antepasado David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15-19: “Hesus a puntra Su apostelnan: Anto boso mes, ta ken boso mes ta bisa Mi ta? Simon a contesta: Bo ta e Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro

(osea baranca) y riba es baranca aki lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo permiti den Cielo tambe.” Akinan Cristo-Hesus ta bisa bon cla, Mi Iglesia, osea un solo iglesia y no iglesianan. E demonianan a lanta diferente sectanan na mundo, pa purba kibra e unico Iglesia di Cristo-Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Iglesia di Cristo-Hesus. Hesus a duna Pedro e yabinan y esaki ta significa, sera of habri portanan y esey ta e portanan di Reino di Cielo. Hesus ta abasa riba e fundeshi di Su Iglesia, Su apostelnan cu nan sucesornan, nan lo ta pa semper lidernan di e Aliansa Nobo. Hesus a duna Su apostelnan cu nan sucesornan e autoridad Divino, pa habri e portanan di Cielo y invita e humanidadnan di mundo pa dreña. Hesus a duna e autoridad na Pedro, di prohibi na tera, lo ta prohibi na Cielo tambe y di loke ta permiti na tera, lo ta permiti na Cielo tambe. Esaki ta e autoridad disciplinario, si ta necesario excomulga, desobediencia na Iglesia. Y tambe pa bin cu e Leynan codigo canonico di Iglesia etc. E unico Iglesia di Hesus mester ta universal, Bijbel Marco 16: 15-16 ta bisa: “Hesus ta bisa Su apostelnan: Sali

pasa na henter mundo y predica e Evangelio pa henter humanidad. Esun cu kere y ta bautisa, lo ta salba, ma esun cu no ta kere, lo ta condena.” E palabra, sali pasa pa henter mundo y predica e Evangelio pa henter humanidad, ta significa Universal, kiermeen Iglesia Universal. Hesus ta bisa Su apostelnan, Bijbel Mateo 28: 20: “Lo Mi ta cu bosonan tur dia, te na cabamento di mundo.” Tambe Hesus a establece pa Su Iglesia Universal, e 7 Sacramentonan obligatorio di Dios Spirito Santo, pa ricibi graci- anan di salbacion, segun Bijbel. Bautismo, Mateo 28: 19-20. Confirmacion, Echonan di Apostelnan 2: 1-4. Confesion, Huan 20: 23. Eucaristia, Lucas 22: 19-29. Matrimonio, Mateo 19: 4-6. Orden Sacerdotal, Marco 3: 13-15. Enfermonan, Hacobo 5: 14-15. Mester compronde bon, cu e unico Iglesia Universal di Cristo Hesus, ta e pueblo nobo di Israel. Hesus ta bisa bon cla, Bijbel Marco 16: 15-16, haci henter humanidad di mundo bira Mi discipelnan y bautisanan, akinan nos mester compronde cu hasta e hudiunan mes mester dreña den e Iglesia Universal di Cristo-Hesus, pa nan por dreña den e Reino di Dios. Tur esnan den Iglesia Universal, nan ta pertenece na e pueblo nobo di Israel di Dios Tata, pa dreña den e Gloria Eterno. Esnan cu no ta kere y cu no ta bautisa, nan lo ta condena. Scirbi pa Seferino Tromp. Un mensahero di Dios.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

FORTALEZA PA FAMILIA

Scirbi pa Pastor Marcel Balootje.

CRISTO HESUS TA TUR COS, DEN TUR COS , PA NOS

Ta para scirbi den Colosensenan 1:15-16-17 dunando un splicacion bon cla ken Cristo Hesus ta den nos bida: Y E ta e imagen di Dios invisibel, e primogenito di henter creacion.

Pasobra pa medio di dj'E tur cos a wordo crea, tanto den cielonan como riba tera, visibel y invisibel, sea trononan of dominionan of gobernante of autoridad tur cos wordo crea pa medio di dj'E y pa E.

E ta prome den tur cos , y den dj'E tur cos ta consisti. E tambe ta cabes di e curpa, y E ta e principio y e primogenito for di e mortonan, pa e mes por bin haña e prome lugar den tur cos. Pasobra a grada e Tata pa henter e plenitud biba den dj'E.

Pa medio di e palabranan aki nos ta compronde dicon nos mester biba un bida, Cristo Centrico, caminda Cristo Hesus ta tur cos den nos bida, pasobra nos Salbacion , bida Eterna ta depende di Cristo Hesus, y nos sanacion y nos liberacion tambe.

Pesey ta para scirbi den Filipensenan 2:9-10-11 bisando lo siguiente : Pesey tambe Dios a hals'E te na halturanan y a dun'e nomber cu ta riba tur nomber , cu pa e nomber di Hesus tur rudia mester dobla, di esnan cu ta den cielo, y riba tera y bao di tera. Y tur lenga mester confesa cu Hesus Cristo ta Señor pa gloria di Dios Tata.

Un biaha mas ta wordo confirma cu ora nos tin Cristo Hesus nos tin tur



cos, no tin ningun manera E y si awor tur hende mester sa cu no tin ningun pa compara cun'E.

Ta e momento pa bandona tur caminda di bruheria, santeria idolatria y bagamunderia y reconoce cu no tin ningun manera Cristo Hesus.

Si un hende no ta kere den Cristo Hesus segun e palabra di Dios ta bisa den Juan 3:18 bon cla pa tur hende por saca nan conclusion: Esun cu ta kere den dj'E no ta condena, esun cu no ta kere ta condena caba, pasobra e no a kere den e Yiu unigenito di Dios. Esey ta muestra nos cu pa sali for di condenacion nos mester kere den Cristo Hesus y acepta Cristo Hesus como nos Señor y Salbador.

E a primiri di ta cu nos pa semper (Mateo 28:20).

Tur cos mi por den Cristo kende ta dunami fortaleza (Filipensenan 4:13).

Mi Dios lo provee tur loke boso tin mester segun Su rikesanan den gloria den Cristo Hesus (Filipensenan 4:19).

Den Juan capitulo 14:13-14, Cristo Hesus ta splica na nos cu tur locual nos tin mester, ta cerca E mes nos tin di acudi bisando: Y tur locual boso pidi den Mi nomber, esey lo mi haci, pa E Tata wordo glorifica den e Yiu.

Si Boso pidi algo den Mi nomber lo Mi hacie.

Cristo Hesus a bisa tur locual cu nos tin mester esey ta nifica cu tur nos petitionnan ta wordo controla pasobra solamente cosnan cu ta den boluntad di Dios, ta e cosnan cu Cristo ta supli pa nos.

Cristo Hesus no ta kita nada for di ningun hende pa e duna na otro hende, absolutamente, ora bo ta desea cos di otro hende bo ta biba den egoismo, y Cristo no ta atende petitionnan egoista, pesey hopi biaha hende ta keda sin ricibi locual nan ta pidi.

Ora nos ta pidi na Dios, nos tin e pleno confiansa di ricibi locual cu nos ta pidi.

Sinceramente, Pastor Marcel Balootje.

ORACION DI DIA



Un feliz dia yena di bendicion y colma cu hopi fe y confiansa den nos Bon Dios

El a bisa nan:..... "Pakico boso tin tanto miedo asina? Ainda boso no tin fe?" (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speransa den Dios. Tambe nos tin miedo di faya y miedo cu otro hende ta faya nos. E discipelnan a duda, nan tambe a haya miedo y a perde speransa. Nan no sa di e poder todopoderoso di nan Maestro Hesus. Nan no conoce ainda. ...: 'Ta ken e homber aki ta? Hasta biento y lama ta tende di dj'E' (Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den dj'E, E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.

KIWANIS CLUB OF PALM BEACH TA CELEBRA UN AÑA 2023-2024 EXITOSO Y TA ANUNCIA PLANNAN PA 2024-2025



Oranjestad – Kiwanis Club of Palm Beach ta mira bek ariba un aña exitoso. Durante 2023-2024 a organisa eventonan pa recauda fondo, a haci donacionnan y a traha hunto cu otro clubnan, cu e mision pa sigui sirbi muchanan y famianan di Aruba. Pa e aña cu ta cuminsa 1 di october 2024, e club ta hopi emocionada pa anuncia nan plannan pa sigui traha y yuda e comunidad.

Logronan den 2023-2024
Kiwanis Club of Palm Beach a logra hopi bon resultado durante e aña 2023-2024, impactando positivamente bida di hopi mucha y familia riba nos isla:

- **Fondonan recauda:** E club a organisa cuater (4) evento grandi: "Over the Moon" Night Golf Tournament, Masquerade Party, F&B tent riba ruta di Carnaval y Ride4Kids. E esfuersonan aki a logra un total di Afl 200,000 netto (te cu August 2024).
- **Donacion generoso:** Despues di temporada di Carnaval, e club a haci donacion inmediatamente di Afl 100,000 na 14 instancia, apoyando diferente causanan riba e isla. Cu e fondonan recauda for di Ride4Kids a yuda 225 mu-



cha cu nan school geld.

- **Proyecto "Back to School":** Den colaboracion cu otro tres (3) club di Kiwanis na Aruba, e proyecto "Back to School" a distribui 150 tasnan di scol cu un bolor di Afl 30,000 na muchanan di familia di menos recurso.
- **Proyeccion hands-on:** E club a participa na dos (2) proyecto, K1-Day hunto cu otro clubnan di Kiwanis na Colegio Arubano y conhuntamente cu otro clubnan local a duna Ambiente Feliz un face-lift, y di e forma aki duna directo na e comunidad.
- **Distribucion di Child Car Seat:** Hunto cu Wit Gele Kruis a haci donacion di 17 Child Car Seat na famianan di menos recurso, pa seguridad di nos

muchanan.

- **Aprobacion di YCPO:** E club a aproba mas cu Afl 27,000 na donacion pa sostene mas cu 16 proyecto cu e iniciativa di Young Children Priority One (YCPO), cu ta duna sosten na programanan enfoca na bienestar di nos muchanan.
- **Plannan pa e aña 2024-25**
Kiwanis Club of Palm Beach ta cla pa sigui construi riba su exitonan cu programanan nobo pa sigui yuda nos muchanan y comunidad di Aruba:
- **Expansion di eventonan** pa recauda fondo: Tin plania cinco (5) evento pa recauda fondo, cu ta inclui e Masquerade Party (21 di feb. 2025; benta di ticket ta cuminsa dia 11 di

november 2024), F&B tent di Carnaval durante temporada di Carnaval 2025, KCPB Charity Regatta (juni 2025), Ride4Kids na augustus 2025 y torneo di golf "Over the Moon" (september 2025).

- **Lansamento di e programa "Invest in Me":** Dia 5 di october 2024, e club lo lanza su programa "Invest in Me" pa educacion financiero pa muchanan. E programa ta enfoca pa siña

programa di distribui Child Car Seat pa seguridad di nos muchanan. Fecha y cantidad ta wordo comunica despues.

- **Introduccion di "Weekend Warriors":** Lo inicia un programa nobo bou di e nomber di "Weekend Warriors". Lo duna comunidad e oportunidad pa manda peticion pa proyectonan chikito cu ta beneficia muchanan y e comunidad. Tur peticion lo wordo atendi pa un comision. E programa aki ta un forma pa yuda e comunidad directamente.

- **Peticion pa donacion ta habri pa comunidad:** Ta invita e comunidad pa bishita e website <http://www.kiwanispalmbeach.com>, pa asina manda peticion pa donacion relaciona cu muchanan. Tur peticion lo wordo atendi pa un comision.

"Nos ta sumamente orguyoso di tur e trabou cu nos miembronan y boluntarionan a pone durante e aña cu a caba di pasa," palabranan di Ross Brezovar, President di Kiwanis Club of Palm Beach. "Mientras cu nos ta para cla pa e aña Kiwanístico 2024-2025, nos ta sigui na sirbi nos comunidad y inverti den e proximo generacion. Nos ta invita tur hende pa tuma parti den nos mision—sea como boluntario, sponsor, of sostenedor—pa logra un impacto duradero den bida di muchanan y famianan na Aruba."

Kiwanis Internacional ta un organizacion caritativo mundial, dedica na haci nos mundo mihor door di cambia un comunidad of un mucha cada bes. Mas informacion por haya riba: www.facebook.com/kiwanispalmbeacharuba